



Broj: 16-12-16-8809-~~17~~/17  
I. Sarajevo, 06.022018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. f) i g), i člana 70. st. (1), (2), (5) i (6) Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-8809/17 od 30.01.2018. godine, u postupku javne nabavke usluga redovnog i kasko osiguranja vozila Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u otvorenom postupku javne nabavke usluga redovnog i kasko osiguranja vozila Državne agencije za istrage i zaštitu

#### Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-8809/17 od 30.01.2018. godine i ugovor u postupku javne nabavke usluga redovnog i kasko osiguranja vozila Državne agencije za istrage i zaštitu, na period od dvije godine, dodjeljuje ponuđaču „BOSNA SUNCE OSIGURANJE“ d.d. Sarajevo, ponuda broj 16-12-16-8809-13/17 od 28.12.2017. godine, za ponuđenu cijenu od 70.222,87 KM bez uračunatog PDV-a.

#### Član 2.

(1) Ponuđač „BOSNA SUNCE OSIGURANJE“ d.d. Sarajevo obavezan je ugovornom organu dostaviti dokaz o ispunjavanju uslova iz tačke 12. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

#### Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

#### Član 4.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

## Član 5.

Ova odluka stupa na snagu danom donošenja.

### Obrazloženje

Otvoreni postupak javne nabavke usluga redovnog i kasko osiguranja vozila Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-8809-1/17 od 23.11.2017. godine, za koji su obavještenje o javnoj nabavci broj 1161-2-786-3-75/17 od 06.12.2017. godine i ispravka obavještenja o javnoj nabavci broj 1161-2-786-8-81/17 od 19.12.2017. godine objavljeni na Portalu javnih nabavki i u „Službenom glasniku BiH“ broj 90/17. Procijenjena vrijednost javne nabavke je 78.000,00 KM bez uračunatog PDV-a, na period od dvije godine, za šta su novčana sredstva predviđena u okviru budžetskih sredstava za 2017. godinu i Dokumenta okvirnog budžeta 2018.- 2020. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija II za provođenje postupka nabavke (u daljem tekstu: Komisija), dostavila je Izvještaj o radu broj 16-12-16-8809/17 od 30.01.2017. godine sa preporukom o izboru najpovoljnijeg ponuđača u postupku javne nabavke usluga redovnog i kasko osiguranja vozila Agencije.

Obzirom da je tačkom 23. Tenderske dokumentacije navedeno da je rok za dostavljanje ponuda 21.12.2017. godine do 12,00 sati, te da je zbog izjavljene žalbe na Tendersku dokumentaciju rok za dostavljanje ponude produžen do 28.12.2017. godine do 12,00 sati, to je Komisija dana 28.12.2017. godine u 13,00 sati izvršila javno otvaranje ponuda prema datumu i vremenu prijema, numerišući koverta.

Blagovremeno je dostavljeno šest ponuda i to:

RB	Naziv ponuđača	Ponuđena cijena (bez PDV-a)
1.	„KRAJINA OSIGURANJE“ a.d. Banja Luka	72.482,74 KM
2.	„ATOS OSIGURANJE“ a.d. filijala Pale	76.933,43 KM
3.	„SARAJEVO OSIGURANJE“ d.d. podružnica Banja Luka, I.Sarajevo	77.348,10 KM
4.	„WIENER OSIGURANJE“ VIG a.d. Banja Luka-poslovnica Sokolac	92.182,68 KM
5.	„BOSNA SUNCE OSIGURANJE“ d.d. Sarajevo	70.222,87 KM
6.	„DRINA OSIGURANJE“ a.d. Milići	108.069,73 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači »BOSNA SUNCE OSIGURANJE« d.d. Sarajevo i »DRINA OSIGURANJE« a.d. Milići ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne djelatnosti. Također, Komisija je utvrdila da ponuđači ispunjavaju i formalno-pravne uslove postavljene u Tenderskoj dokumentaciji, te da podliježu primjeni preferencijalnog tretmana domaćeg.

Komisija je utvrdila da ponuđači „KRAJINA OSIGURANJE“ a.d. Banja Luka, „ATOS OSIGURANJE“ a.d. filijala Pale, „SARAJEVO OSIGURANJE“ d.d. podružnica Banja Luka, I.Sarajevo i „WIENER OSIGURANJE“ VIG a.d. Banja Luka-poslovnica Sokolac ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, te tehničke i profesionalne sposobnosti, dok ne ispunjavaju uslove u pogledu ekonomske i finansijske sposobnosti iz člana 47. Zakona odnosno tačke 13.2. Tenderske dokumentacije. Tačkom 13.2. Tenderske dokumentacije propisano je da su ponuđači kao dokaz ekonomske i finansijske sposobnosti, pored Potvrde-Izvještaj o računima pravne osobe iz Jedinstvenog registra transakcijskih računa u Bosni i Hercegovini, izdate od strane Centralne banke Bosne i Hercegovine ili potvrdu izdatu od strane poslove-komercijalne banke certificirane za izdavanje takvih potvrda isključivo na obrascu Centralne banke Bosne i Hercegovine dužni bili dostaviti i dokaz- Potvrdu nadležnog organa (Agencije za nadzor osiguranja), u kojoj je naveden odnos broja prijavljenih i riješenih šteta u 2016. godine veći od 70%, uz uslov da se procenat računa na način da se u brojniku uzme podatak o ukupnom broju prijavljenih i reprogramiranih šteta, a u nazivniku broj riješenih šteta za navedeni period (podatke posebno iskazati za osiguranje od autoodgovornosti, a posebno za kasko osiguranje).

Komisija je utvrdila da su ponuđači „KRAJINA OSIGURANJE“ a.d. Banja Luka, „ATOS OSIGURANJE“ a.d. filijala Pale, „SARAJEVO OSIGURANJE“ d.d. podružnica Banja Luka i „WIENER OSIGURANJE“ VIG a.d. Banja Luka-poslovnica Sokolac dostavili potvrde Agencije za nadzor osiguranja, s tim da u navedenim potvrdama Agencije za nadzor osiguranja nisu iskazani podaci za osiguranje od autoodgovornosti, kao ni podaci za kasko osiguranje. Obzirom na navedeno, Komisija ponude ponuđača „KRAJINA OSIGURANJE“ a.d. Banja Luka, „ATOS OSIGURANJE“ a.d. filijala Pale, „SARAJEVO OSIGURANJE“ d.d. podružnica Banja Luka i „WIENER OSIGURANJE“ VIG a.d. Banja Luka-poslovnica Sokolac nije dalje ni razmatrala niti vrednovala.

Budući da je Tenderskom dokumentacijom za postupak javne nabavke usluga redovnog i kasko osiguranja vozila Agencije predviđeno provođenje e-aukcije, te da su za navedeni postupak od zaprimljenih šest ponuda prihvatljive dvije ponude, Komisija je zakazala e-aukciju za dan 25.01.2018. godine u 10,00 sati u trajanju od 15 minuta.

Prema Izvještaju o toku i završetku e-aukcije od 25.01.2018. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

RB	Naziv ponuđača	Ponuđena cijena (bez PDV-a)
1.	„BOSNA SUNCE OSIGURANJE“ d.d. Sarajevo	70.222,87 KM
2.	„DRINA OSIGURANJE“ a.d. Milići	108.069,73 KM

Nakon provedenog postupka e-aukcije, shodno Izvještaju o toku i završetku e-aukcije od 25.01.2018. godine, Komisija je utvrdila da je ponuda ponuđača „BOSNA SUNCE OSIGURANJE“ d.d. Sarajevo ocijenjena kao najpovoljnija ponuda, da ista podliježe primjeni preferencijalnog tretmana domaćeg, te da ne premašuje procijenjenu vrijednost nabavke iz tačke I odluke.

Shodno navedenom, prihvaćen je prijedlog Komisije i odlučeno da se okvirni sporazum u postupku javne nabavke usluga redovnog i kasko osiguranja vozila Agencije na period od dvije godine dodijeli ponuđaču „BOSNA SUNCE OSIGURANJE“ d.d. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 6x,
- Sektoru za mat.-fin. poslove,
- a/a.

DIREKTOR  
GLAVNI GENERALNI INSPEKTOR POLICIJE

